

Sarkina Bt Mat Saad @ Shaari

From: Unit Komunikasi Korporat
Sent: Tuesday, May 8, 2018 10:19 AM
To: UUM - All Staff; UUM - All Students
Subject: Kempen Stop #PerogolDalamRumah Tingkat Kesedaran Pelajar



Unit Komunikasi Korporat
CORPORATE COMMUNICATION UNIT
Universiti Utara Malaysia

8 MEI 2018 / 22 SYAABAN 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: SMMTC

KEMPEN STOP #PEROGOLDALAMRUMAH TINGKAT KESEDARAN PELAJAR



UUM ONLINE: Peningkatan kes rogol dalam rumah sendiri telah mendorong Pusat Pengajian Teknologi Multimedia dan Komunikasi (SMMTC) untuk melancarkan kempen Stop Perogol Dalam Rumah (#PerogolDalamRumah).

Kempen anjuran 11 pelajar Kumpulan C dari kursus Perhubungan Awam itu turut mendapat kerjasama badan bukan kerajaan (NGO), Misfit.

Pengarah program, Lee Yong Lerk berkata, program ini diadakan adalah untuk memberi kesedaran kepada pelajar berikutan terdapat peningkatan kes penderaan seksual dalam kalangan ahli keluarga di Malaysia.

“Apabila menyebut isu rogol, jenayah ini merupakan jenayah yang boleh dikategorikan sangat keji. Ia harus diberi perhatian oleh semua lapisan masyarakat terutamanya kesedaran perlu diberikan terhadap para remaja.

“Statistik menunjukkan peningkatan sebanyak 89 peratus kes rogol sejak 2015 hingga 2017 melibatkan orang yang dikenali mangsa dan ia berlaku di dalam rumah sendiri, berbanding 11 peratus kes rogol berlaku di persekitaran luar,” katanya.

Tambahnya, dengan adanya kempen itu diharap dapat meningkatkan kesedaran bahawa jenayah seksual ini boleh berlaku dalam rumah sendiri melibatkan ahli keluarga.

Pengarah Kempen Stop #PerogolDalamRumah, Abjda Zulkifli dan Farrah Adeeba Mohamed Ashraf turut dijemput memberikan ceramah pada kempen tersebut.

Menurut Farrah Adeeba, kempen ini akan diperluaskan lagi ke universiti-universiti di Malaysia ekoran daripada kebanyakan kes yang berlaku adalah dalam kalangan pelajar universiti dan kes tersebut dilaporkan secara terus-menerus melalui akaun jaringan sosialnya.

Katanya lagi, melalui kempen yang diadakan, pihaknya berharap mampu mengubah budaya masyarakat yang masih enggan melaporkan kes rogol oleh ahli keluarga terdekat, selain memberi pendidikan kepada mangsa dan keluarga untuk membuat aduan.

Sesi diakhiri dengan penyampaian cenderamata kepada penel dan turut hadir bagi menjayakan kempen tersebut adalah Pensyarah Kursus Perhubungan Awam, Dr. Mohd Zuwairi Mat Saad.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.